



Upravi za indirektno oporezivanje BiH
Na ruke: direktoru, prof. dr Zoranu Tegeltiji

Predmet: Zahtjev za hitan koordinacioni sastanak radi rješavanja problema na graničnim prelazima

Poštovani gospodine direktore,

Iako smo prethodnih sedmica imali konstruktivne razgovore i izuzetno cijenimo stručnost i posvećenost Vašeg ekspertskog tima, nažalost moramo istaći da je stanje na graničnim prelazima postalo nepodnošljivo. Bilježimo konstantan rast prosječnog vremena zadržavanja vozila, koje sada prelazi 16,5 sati na ključnim prelazima poput Broda, Gradiške, Izačić, Rače i Pavlovića mosta.

Unatoč dogovorenim tehničkim rješenjima i usaglašenim procedurama, poboljšanja u praksi izostaju. Dodatno zabrinjava pojava neusklađenosti rada entitetskih inspekcija, naročito tokom prazničnih dana, kao i neujednačeno prisustvo carinskih službenika u vremenskom okviru od 08:00 do 20:00 sati, što direktno utiče na efikasnost i fluidnost prelaska granica.

Stoga Vas molimo da, u svojstvu direktora UINO BiH i sa pozicije institucionalnog autoriteta, inicirate i sazovete **hitni koordinacioni sastanak** sa predstavnicima svih relevantnih inspekcija i agencija s kojima Vaša institucija sarađuje.

Naš prijedlog je da sastanak bude održan u najkraćem mogućem roku, sa ciljem:

- usaglašavanja operativnih termina rada svih uključenih službi,
- rješavanja pitanja prisustva inspektora tokom praznika,
- organizovanja obaveznog izlaska ovlaštenih lica na terminal u roku od jednog sata nakon ulaska vozila,
- postavljanja digitalnih displeja na spoljnim stranama terminalskih objekata radi veće transparentnosti postupka.

Vjerujemo da zajedničkim djelovanjem možemo do 01.06. napraviti konkretne pomake i osigurati funkcionalan sistem na obostrano zadovoljstvo – prije svega u interesu privrede Bosne i Hercegovine.

Zahvaljujemo se unaprijed na razumijevanju i očekujemo Vaš odgovor u najkraćem roku.

S poštovanjem,

Prof. dr Velibor Peulić

Generalni koordinator

Konzorcijum Logistika Bosne i Hercegovine

